

Leksyon 1: Pagpangandam alang sa Pagpahigayon og mga Miting

Mahimo nimong itudlo kini nga leksyon sa kinatibuk-an niini o bahinon kini sa mugbo nga mga bahin. Ipahiyon ang leksyon sa lokal nga mga sirkumstansya ug sa mga panginahanglan, mga edad, ug panabot sa kapangulohan sa inyong korum o sa klase.

ANG GINOO NAGDAPIT KANATO SA PAGHAN-AY SA ATONG MGA KAUGALINGON

Basaha ang [Doktrina ug mga Pakigsaad 88:119](#). Hisguti sa unsang paagi ang panudlo sa Ginoo nga “han-aya ninyo ang inyong mga kaugalingon” magamit ngadto sa mga miting sa kapangulohan sa korum ug sa klase. Unsa ang pipila ka butang nga atong mahimo aron sa paghan-ay sa atong mga miting?

ANG PAGPLANO ALANG SA MGA MITING MAKATABANG KANATO SA PAGHAN-AY SA BUHAT SA GINOO

Tabangi ang kapangulohan sa korum o sa klase nga sulatan ang [sampol nga lista sa hisgutanang \[agenda\]](#) agig pagpangandam alang sa sunod nga miting sa kapangulohan. Hunahuna ang paghisgutanay sa mosunod nga mga pangutana:

- Nganong importante ang paghunahuna og mga pangutana nga sama nianang anaa sa sampol nga lista sa hisgutanang?
- Unsa ang ubang mga miting o mga kalihokan nga kita mahimong mangandam sa ingon niini nga paagi?
- Unsaon nato pagdapit ang Espiritu Santo sa pagtabang kanato samtang kita magplano ug magpahigayon og mga miting? (Tan-awa sa [Moroni 6:9](#); [Doktrina ug mga Pakigsaad 46:2](#).)

Mahimo usab nimong dapiton ang mga sakop sa kapangulohan sa pag-andam og usa ka lista sa hisgutanang alang sa sunod nga miting sa korum o sa klase nga magsunod sa latid [outline] nga gisangkap sa matag leksyon diha sa [Dali, Sunod Kanako—Alang sa mga Korum sa Aaronic Priesthood ug mga Klase sa Young Women](#). Dapita sila sa paghunahuna mahitungod sa mga butang nga ilang gihisgutan sa ilang miting sa kapangulohan nga kinahanglan usab hisgutan uban sa mga sakop sa korum ug sa klase. Kon ang panahon motugot, mahimo nimong dapiton sila sa pagpraktis sa pagpahigayon og usa ka miting gamit ang usa ka lista sa hisgutanang nga ilang giandam.

Matag karon ug unya, mahimo kamo nga maghisgot unsa ang gibati sa mga sakop sa kapangulohan mahitungod sa usa ka miting. Isip kabahin niini nga panaghisgot, mahimo kang mangutana sama sa mosunod:

- Ang miting nakatuman ba sa atong gitinguha nga katuyoan?
- Unsa ang atong gibuhad aron sa pagdapit sa Espiritu diha sa miting? (Tan-awa sa [Doktrina ug mga Pakigsaad 6:32](#).)
- Ato bang gisulayan ang paglakip sa tanan?
- Unsaon man aron kita molambo?

SUPORTA NGA MGA KAPANGUHAAN

- *Kinatibuk-ang Tamdanan nga Basahon: Pagserbisyo diha sa Ang Simbahan ni Jesukristo sa mga Santos sa Ulahing mga Adlaw*, [10.4](#), [11.3.4](#), [ChurchofJesusChrist.org](#)